

eitt þúsund, eitt hundrað áttatíu og krónur, níutíu aurar —, svo og gjafir og skuldbindingargjöld, er sjóðnum berast, sem leggist óskert í sjóðinn ásamt þeim hluta árstekna, sem stjórn sjóðsins ákveður hverju sinni (sbr. 9. gr.).

6. gr.

Allir kennarar og nemendur skólans greiði árstíllag til sjóðsins, er sjóðsstjórn ákveður hverju sinni.

7. gr.

Sjóðnum heyrir til skuldbindingabók, sem nemendum gefst kostur á að skrá í loforð um tillög til sjóðsins eftir brottför sína úr skólanum. Skal skólameistari sjá um, að efstu bakkingar skólans fái ár hvert tækifæri, til að skrá sig í bókina ásamt skuldbindingagjöldum sínum.

8. gr.

Ársfund sjóðsins skal halda fyrsta vetrardag ár hvert. Skulu þá innheimt árgjöld kennara og nemenda. Þá skulu reikningar sjóðsins lesnir. Einnig skal þá skýrt frá stofnun hans og skipulagsskrá og skuldbindingabók, og kosnir fjórir nemendur í stjórn sjóðsins.

9. gr.

Úthlutun úr sjóðnum fer fram í maímánuði ár hvert. Ákveður stjórn sjóðsins hverju sinni, hve miklum hluta vaxta og árstíllaga skuli úthlutað. Þó skal aldrei minna en helmingur árstíllaga leggjast við höfuðstólinn.

10. gr.

Með skipulagsskrá þessari er Stofnunarskrá Nemendasjóðs Möðruvallaskóla úr gildi felld, svo og allar aðrar samþykktir um meðferð sjóðsins.

11. gr.

Leita skal staðfestingar Forseta Íslands á skipulagsskrá þessari.

Þannig samþykkt á fundi stjórnar Nemendasjóðs Menntaskólans á Akureyri 12. maí 1972.

S A M Þ Y K K T

fyrir Vatnsveitufélag Varmahlíðar í Seyluhreppi.

1. gr.

Félagið heitir Vatnsveitufélag Varmahlíðar, heimili þess og varnarþing er í Varmahlíð í Seyluhreppi í Skagafjarðarsýslu.

2. gr.

Markmið félagsins er að sjá húsum á félagssvæðinu fyrir köldu vatni.

3. gr.

Stofnendur félagsins eru forráðamenn og eigendur eftirtalinna húsa: Hótel Varmahlíð, Miðgarður, Laugarbrekka, Sjónarhóll, K.S. Varmahlíð, Hvannahlíð, Sunnuhlíð, Birkimelur, Fagrihvoll, Lundur, Viðimelur, Sundlaugin Varmahlíð, Úthlíð, Benzínsala Skeljungs, Þvottahús Seyluhrepps, auk þess hús Guðmundar Márussonar, hús Reynis Pálssonar og hús Knúts Ólafssonar, sem nú eru í byggingu.

4. gr.

Hver stofnandi greiði kr. 3 000.00 í stofngjald.

5. gr.

Fleiri notendur má taka í félagið með samþykki lögsmæts stjórnarfundar.

Nýr félagsmaður greiðir stofngjald, samkvæmt samþykkt aðalfundar.

Nýr félagsmaður kostar þær framkvæmdir, sem gera þarf sérstaklega, til að hann geti notað mannvirki félagsins.

6. gr.

Aðalfundur félagsins skal haldinn fyrir 1. maí ár hvert. Til hans skal boða með viku fyrirvara, bréflega eða persónulega.

Aðalfundur er lögsmætur ef helmingur félagsmanna sækir hann.

Á aðalfundi skulu teknar ákvarðanir um starfsemi félagsins á árinu, lagðir fram reikningar af stjórn félagsins, en hana skipa 3 menn, formaður, ritari og gjaldkeri, kosnir á aðalfundi til þriggja ára í senn og þrjár til vara. Stjórnin skiptir með sér verkum.

Formaður Varmahlíðarstjórnar skal ávallt eiga sæti í stjórn félagsins. Þá skulu kosnir 2 endurskoðendur.

7. gr.

Formaður kveður stjórnina saman til fundar og boðar félagsfundi og aðalfundi. Stjórnarfundir eru því aðeins lögsmætir að allir stjórnarmenn séu mættir. Ágreiningi skal skjóta undir dóm félagsfundar. Færa skal gerðabók stjórnarfunda og félagsfunda.

8. gr.

Vatnsskatt skal innheimta árlega og ákveður félagsstjórn upphæð hans fyrir hvert reikningsár, með tilliti til vatnsparfa hvers aðila og áætlaðra framkvæmda á árinu.

9. gr.

Stjórn félagsins hefir umsjón með vatnsveitunni, annast reikningshald hennar og innheimtir gjöld til félagsins. Hún sér um viðgerðir og viðhald á vatnsveitunni.

Viðhald heimtauga og umbúnað í húsum annast félagsmenn hver hjá sér. Heimilt er stjórn félagsins að loka vatnsæðum fyrir þeim, sem vanrækja að láta gera við bilanir á pípum eða tækjum, eyða vatni að óþörfu eða greiða ekki vatnsskatt á réttum gjalddaga.

10. gr.

Samþykkt þessari má ekki breyta nema á aðalfundi, enda hafi breytinga verið getið í fundarboði og sé minnst $\frac{2}{3}$ félagsmanna samþykkir þeim.

Samþykkt þessi, sem samin er og samþykkt af Vatnsveitufélagi Varmahlíðar í Seyluhreppi, Skagafjarðarsýslu, staðfestist hér með samkvæmt vatnalögum, nr. 15 20. júní 1923, til þess að öðlast gildi þegar í stað, og birtist til eftirbreytni öllum, sem hlut eiga að máli.

Félagsmálaráðuneytið, 25. ágúst 1972.

F. h. r.

Hjálmar Vilhjálmsson.

Hallgrímur Dalberg.